



Rapport annual 2010: GIUVENTETGNA CADI

Bugen scrivel jeu in tec sur dil curriu e passau da GIUVENTETGNA CADI. Nus havein giu in onn plein midadas ed havein priu a mauns beinenqual sfida.

Il program digl onn che nus havevan preparau ei pli u meins vegnius ralisaus. Certs projects ein, muort munconza d'annunzias, buc vegni realisai. Muort basegns actuals havein a cuorta vosta stuiu duvra nossas resursas per projects buc previ el program digl onn. Quei vul dir, nus havein mess entuorn la lavur per e cun nossa giuventetgna sco quei ch'ei duess esser, numnadamein sentir ils basegns actuals ed empruvar da realisar quels.

Tochen igl uost sundel jeu s'engaschada el pensum da 30% sco promotura da giuventetgna. Naven da lu ei miu pensum savanzaus sin 65%. La fidada secretaria Annamaria ha susteniu mei exemplaricamein. Savens havein nus giu da prender a mauns caussas ch'eran buc gest sil plan da lavur el rom da secretariat ni da promotura da giuventetgna.

Il zercladur havein nus aviert il biro dil post da lavur da giuventetgna Cadi a Trun. Endrizzar en in biro cun tut il necessari drova siu temps. Cumprar novas mobillas, indrez technics ed in summa tut las causetas ch'ei indispensablas per il funcziunar dil menaschi ei stau divertent. Il runar mobillas ed emprender co ir entuorn cun ils novs apparats ei stau pli stentus. Per cletg havein nus survegniu regalau mobiliar dalla vischnunca da Trun e dalla vischnunca da Mustér. Aschiglioc fuss il budget matei schluppaus!

Projects:

In grond giavisch, ch'ei naschius tier ils delegai dallas uniuns da giuventetgnas, ei staus da crear ina nova homepage ed en connex cun quella in niev logo. Il zercladur havein nus fundau ina gruppa da lavur per quei project. Cun bein engaschi ha mintgina e mintgin dalla gruppa purtau nus pli e pli datier da nossa finamira. La pagina **www.giuventetgnacadi.ch** ei ida il davos d'october silla reit. Il niev logo ei vegnius creaus dil giuven Tonio Tuor da Trun/Darvella. Jeu hai survegniu beinenqual compliment partenent la nova pagina, aschia che nus savein dir che quei project seigi beinreussius.

Per saver far enconuscent ad aschi bia giuvenils, scholars e carschi sco pusseivel, essan nus sedicidi da s'presentar alla EX10 a Mustér. Nies stan cun „Gummibärlis“, muffins e dabeiber ei staus occupaus stedi e quei buca mo da giuvenils. Cunzun

geniturs ed officials da vischnauncas ein stai interessai da vegnir sissu dapli da GIUVNETGNA CADI.

L'acziun da muffins „In muffin per mintgin“ (giuvenils fan muffins e portan all'EX10) ha legrau ils visitaders. Nus havein perfin saviu prender encunter il laud dils organisaturs dalla EX10 cun retscheiver la rosa dil di.



La Cadi enquera il pli graffiti.

Quei ei stau in tec miu project dil cor. Varga 20 giuvenils ein separticipai ils 28 d'uost al workshop per saver emprender co crear graffiti. Las giuvnas ed ils giuvens ha survegniu dabia tips e saviu emprender enqual tric per la finfinala saver ir vid ils mirs. 5 vischnauncas dalla Cadi han mess a disposziun mirs publics als giuvens artists. 7 gruppas ein semessas vidlunder da crear skizzas per lur maletgs el spazzi public. Igl atun 2010 ha buc gest purtau aura favoreivla ed ils artists e las artistas mettan lur craziuns primavera 2011 vid las preits.

La scola professiunala dalla Surselva a Glion ha mussau grond interess vid nies project e giavischau che artistAs fetgien in di da demonstraziun sigl areal da scola. Quei havein nus bugen fatg en cumbinaziun cun exponer en casa da scola las tablas cul graffiti creati ils 28 d'uost. Giuven e vegl ei stau fascinai da contemplar ils 9 d'october cun tgei concentraziun e perfecziun ch'ils „showsprayers“ eran alla lavur.



Ils 2 d'october han scolaras e scolars saviu emprender co tractar endretg lur vehichel. Quei a Surrein tier **Leci da motors**. Suenter ina bun' instrucziun teoretica ch'ei vegnida dada digl emprendist Severin han ils giuvenils gest saviu prender sez ils uaffens enta maun per empruvar o.

Il gaudi han els giu da far la cuorsa da parcour il suentermiezdi ella gera dalla firma Beer ad Igniu. Tgi ha gudignau ina medaglia, tgi ha il moped che ha dau si il spért il davos mument, mo cuntents eran tuts la sera. Quella purschida da GIUVNETETGNA CADI ha schizun interessau il RADIO ROMONTSCH. Els han priu si intervestas ed impuls dil di e purtau quei el radio.



Giuventetgna fa cultura, cun quei tema ei jugend.gr. sepresentada ils 12 da november a Danis.

David Pfulg, il menader dil post da giuventetgna cantunal ha referiu sur dils basegns giustificai da giuventetgna. Ina discussiun al podi tiel tema cun participonts da nossa regiun ei stau in punct culminont. Tgei vul ins tschintschar sur da cultura giuvenila senza presentar quella. GIUVNETETGNA CADI ha saviu engaschar la band *Dropfox* per schar accompignar musicalmein igl apéro. Els han dau suenter l'occurrentza ufficia in pign concert. Per quella band ei quei stau l'emprema presentaziun alla tribuna.

Nossas tablas cun graffitis ein vegnidas exponidas, in pèr tablas havevel jeu rasgiu en tocca pli pintga per saver vender als visitaders. Beinenqualin ha cumprau in toc art dalla giuventetgna dalla Cadi ed aschia susteniu nus.

Il cuors da menaders da giuvenils ha saviu vegnius menaus atras. Ils giuvenils eran sedeclarai prompts dad ir uonn a Cuera per far quel. Denton hai dau tier Akj annunziats cun aschi differents basegns ch'il menader dil post dalla Aki, *Mattias Grond* ei vegnius a Mustér a dar il cuors ils 12 da december. Quater giuvenils ein separticipai ed han aschia ina buna basa per surprender la survigilanza en in ni l'auter local da giuventetgna.

Prevenziun:

Ils 9 e 10 d'avrel ei GIUVENTETGNA CADI s'engaschada ensemen cun „*Smarctconnection*“ agl Indoor-Festival a Mustér. Medemamein era agl Open Air Val Lumnezia, ils 23 e 24 da fenadur. Esser presents, motivar e promover ina sauna relaziun cun igl alcohol ei la finamira.

Il project „**3 dis ella Jurta**“ dils 3 tochen ils 5 da settember, che füss sefatschentaus cun ina sauna tenuta da viver, ha ord munconza d'annunziats buc saviu vegnir menaus atras.

Locals da giuventetgna:

Il local a Mustér Cons ei vegnius visitaus stediamein mintga venderdis sera. Ils menaders Fabian, Flavio e Kevin ein segidai cun plascher da far la survigilanza.

La TALINA a Sedrun vegn visitada mintgamai da ca. 30 scolaras e scolar. Ina gruppa cumpra mintgamai en il da beiber ed ils snaks, medemamein ei quella gruppa responsabla pil program dalla sera. Il pli bugen vegn tedlau musica e saltau, il tschutti vegn duvraus stedi.

Pigl onn 2011 savein nus arver la TALINA duas ga al meins, demai che nus havein survegniu menaders che fan la survigilanza. Il Flavio Filli da Curaglia, il Franco Deragisch da Rueras ed il Roman Albin s'engaschan tochen la fin d'igl onn da scola en caussa.

La vischnaunca da Sumvitg ha lubiu el preventiv 20'000 fr. per la renovaziun dil local da giuventetgna en casa da scola Surrein. Jeu sun mintgamai en bien contact cun la geraua Theresita Eicher per saver realisar aschi bein e spert sco pusseivel quei project. Sclaras e scolar dil scalem superiuor ein prompts da s'engaschar ella gruppa da lavur. Ina brev da battlegiar vegn tarmessa il schaner 2011 en mintga casada dalla vischnaunca da Sumvitg. L'avertura ei planisada sin la fin digl onn da scola.

A Breil havein nus fundau ina gruppa da lavur cun scolaras e scolar dil scalem superiuor. Els ein fetg motivai da s'engaschar per in local da giuventetgna ella vischnaunca da Breil. Las contractivas cun la suprastanza ein en rocla, la geraua Daniela Seiler ei mia persuna da contact en caussa.

Scolas:

L'entschatta digl onn da scola hai jeu visitau tuttas scolas superiuras dalla Cadi. Cun ina presentaziun da power point hai declarau allas scolaras ed als scolaras sut tgei tetg che GIUVENTETGNA CADI ei e co las estructuras ein baghegiadas si. Naturalmein hai era presentau nossas purschidas ed animau da separticipar e s'informar tier nus. En mintga casa da scola hai jeu ina scolasta ni in scolast sco persuna da contact che sustegn mei en mia lavur.

El december hai dau per mei duas novitads pli surpreudentas. Ina buna ed ina meins

buna.

La meinsbuna ei che l'Annamaria Pfister ha abdicau sia piazza sco secretaria. La buna ei che giuventegna Cadi ha retschiert il daner da Nadal ella summa da 10'000 fr.- dalla banca Raiffeisen Cadi.



Per GIUVNETEGNA CADI, Gabriela Cabalzar-Lombriser